

永平府志卷之五

萊陽宋 琬撰次 府學訓導徐 香叅訂

蕭山張朝琮續纂 盧龍教諭胡仁濟校輯

里市

十戶爲甲十甲爲里天下之通制也 京東州縣則有社有屯土著曰社遷發曰屯起于永樂之初因地多荒蕪召南方殷實戶與土人相錯而居遂以名焉屯社有多寡州縣之大小賦役之繁簡因之自圈撥之後而法又一變今存舊志以見經野之制至曰中

永平府志

卷之五

一

爲市各郡所同而永平則百家之聚今不盈十垣甃傾頽鷄犬寥落視曩時海陸交輸百貨駢集邈若黃虞矣十年生聚還定勞來能無望司土之君子哉

盧龍縣 民社七曰城社其南二里曰鳳頭鄉西南十五里曰南堂北五里曰臺上十五里曰大河南東北三十里曰周王莊西北二十里曰北赤峰 屯四西北十五里曰豐隆東北二十里曰豐潤東南二十里曰豐稔東十五里曰豐成

遷安縣 民社十四曰城社其北十五里曰黃北東北四

十里曰望都西北二十里曰北平南六十里曰長嶺七十
里曰太平東南十五里曰陶村西南二十里曰瓜村西二
十里曰嵐山五十里曰貫頭山七十五里曰夾河百二十
里曰林河一百八十里曰林河二百六十里曰林河三
屯三東三十里曰嘉祥南八十里曰豐膳西北九十里曰

豐廩

撫寧縣 民社十二曰城社其南十五里亦曰城社二十
五里曰洋河二十里曰張家莊北七十里曰宣北一二十
五里曰宣北二東十五里曰萬家莊百里曰回安東北二

永平府志

卷之五

二

十里曰宣南六十里曰海洋西北四十里曰良仁五十里
曰山西 屯五北十二里曰富實二十里曰富饒三十里
曰興福西北十五里曰歌歡西五十里曰慶福

昌黎縣 民社十六曰城社其東二十里曰兩山西二十
里曰葛家一曰葛家二三十里曰安峰三十五里曰劉平
五十里曰靜安六十里曰石門曰順德南三十里曰團林
一二十里曰團林二五十里曰槐套六十里曰赤崖八十
里曰沙程西南三十里曰洋山六十里曰會東 屯十一
西十里曰興寧二十里曰嘉穎二十里曰永受三十里曰

正業四十里曰延昌五十里曰安和六十里曰歸厚西南
三十里曰禧福六十里曰興善西北四十里曰宜春南四
十里曰康樂

灤州 民社四十一曰城社其東三十里曰長港西二十
五里曰何家寨四十里曰黃家疇六十里曰孩古九十里
曰義豐百二十里曰松梁南五里曰周南十里曰法寶二
十五里曰于寧三十五里曰李家莊五十里曰土屋兒六
十里曰連清曰倂城百二十里曰栢家一曰栢家二曰栢
家三北十五里曰橫山營東南二十里曰催官一曰催官

二西南二十里曰古馬六十里曰榆子林七十里曰赤堠
曰花港曰王塚坨一曰王塚坨二八十里曰北柳河曰狗
兒莊曰司家一曰司家二九十里曰獨莫一曰獨莫二百
里曰康家莊百十里曰姚家莊百二十里曰橋頭曰長春
曰曹家口西北五十里曰宜安八十里曰偏山九十里曰梅
相一曰梅相二 屯二十六南九里曰興利十八里曰長
樂二十里曰普利四十里曰富聚五十里曰風淳六十里
曰崇本西二十里曰高平二十五里曰豐野三十里曰長
慶四十里曰平原五十里曰廣布曰廣益七十里曰嘉祐

東南二十五里曰務本西南三十里曰惇本三十五里曰富莊三十五里曰嘉真四十里曰豐腴五十里曰永登八十里曰崇道百里曰乃積百二十里曰餘莊西北十五里曰興慶九十里曰康莊其新編屯一二里乃散處其地不一也

樂亭縣 民社十八曰城社其西二十里亦曰城社東十里曰馮家稍二十里曰沙城三十里曰黃瓜口西北六里曰商家堰二十里曰茨榆坨三十里曰大家坨曰火燒佛南十五里曰千金二十里曰稱坨三十里曰黑崖子三十

永平府志

卷之五

四

五里曰高家莊西南十五里曰白沙峰三十五里曰吳家林西北十里曰嵩林兒二十五里曰醬家河北三十里曰胡東 屯九北二里曰富饒西北十二里曰富有三十里曰九有東二十里曰禾登西三十里曰美化南二十五里曰慶寧三十里曰力本四十里曰時登西南二十五里曰致順

凡民社百有八屯五十有八

山海衛 營屯八十五曰臨城曰石門寨曰陷各寨曰偏坡曰古成曰黃土營曰孟家營曰白廟曰木榆寨曰北大

家河曰牛頭崖曰柳會曰白塔嶺曰樂安寨曰尙家舖曰馬房曰蕭家舖曰丘家營曰西河南曰中寺曰南大家河曰蔣家營曰王家營曰杜寨曰盛鐵營曰三里莊曰薄河寨曰單家營曰七里曰燕溝曰官莊曰七家營曰同野曰皮各莊曰沙坡曰歸提寨曰見駕坡曰圈子營曰白塔嶺曰永安堡順治九年以撫寧衛營屯併入山海衛曰馬家坨曰豪子水曰范家坨曰黃土嶺曰牛頭莊曰何朝營曰孟家營曰侯總旗營曰丁村曰榮家莊曰西丘家營曰巢家莊曰劉守營曰西桃園曰牛官營曰套裡堡曰赤洋海口曰尹官營曰第九營曰曾家曰談家營曰魏家營曰哈嗎營曰張百戶營曰葛條巷曰鍾家莊曰宋家莊曰白草窪曰桃園曰棗城院曰李家莊曰陳官營曰康官營曰石橋營曰後馬家坨曰溝攔莊曰東園曰蕭家坟曰下庄營曰大河家營曰三里莊曰東丘家營曰薛家莊曰解官營曰羅家營 所十六曰鎮撫司曰中左曰中右曰中前曰中後曰右曰前曰後曰山海曰遞運歸併撫寧衛所曰右曰中曰前曰後曰堂舍曰八百戶

計營屯八十有五所十有六

府城市集日一日南關廂二日南門裡三日西街四日城隍廟五日鐘樓下新城街六日磚橋七日鼓樓後街八日上街九日東街十日西柴市

盧龍縣鄉集雙望堡一六大集四九小集燕河營二七大集五十小集劉家營三八大集一六小集九百戶堡二七集橫河五十集

遷安縣城集日以一三五七九輪集于四關廂 鄉集二七日太平寨三八日羅家屯四九日楊家店五十日沙河驛若建昌營四九大集一六小集三屯營五十大集一六

永平府志

卷之五

六

小集

撫寧縣城集日旬之上一日南街小集三日東街大集六日北街小集八日西街大集中旬一日南關三日東關六日北關八日西關集之大小如之 鄉集二七日官莊日榆關三八日牛頭崖四九日留守營日深河五十日都寨若臺頭營四九大集二七小集海洋五十大集二七小集石門寨以一三六八日於闔各莊亂石茶城內大街小南門斜街大南門六處輪次集焉

昌黎縣城集日五十大集二四七九小集輪集於四關廂

鄉集一六曰靜安曰赤崖二七曰套里曰木井三八曰團林莊曰裴家堡曰姜各莊四九曰施各莊五十曰石門店曰安山店若蛤泊三八大集一六小集

灤州城集日一南關三北關六東關八西關皆小集四東西關九南北關輪次大集 鄉集一六曰茨榆坨曰飲牛店曰石佛口二七曰馬城曰高各莊曰古治曰邢各莊三八曰栢各莊曰石佛莊曰曾家灣曰王家店曰倭城曰稻地四九曰張各莊曰連北店曰胡各莊曰開平窑曰常家莊五十曰長嶺曰司家莊若榛子鎮一六大集四九小集

永平府志

卷之五

七

開平五十大集三八小集

樂亭縣城集日以一三五七九輪集於四關廂 鄉集胡家坨二八大集四小集闔各莊二八大集五小集淀流河一六集馬坨營四九集新寨堡湯家河六十集

山海衛城集日一六東羅城二七南街三八西街四九北街五十西羅城 鄉集駐草營於二七小集

風俗

凡郡邑之志風俗者率用前人通叙之語而于風會之趨變更之故置不詳焉若永平則一統志所引隋志之人性勁悍習于戎馬元志之人尚義勇節儉務農蓋亦得其大槩至於靖難之攻守永樂之徙民而爲之一變至于庚午之破城丙戌之圈地而又爲之一變矣始則一郡之人半遭屠戮盜賊蜂起城邑蕭條旣則屯兵輸餉苦無寧歲今則圈占之後富者半屬投充貧者去之它境而民俗之趨于巧僞更有甚于往日者矣子不云乎如有王者必世後仁昔人之書所惓惓于風之自者不可得而刪也從源而鏡流循葉而歸本是在賢者之移風易俗而已

舊志凡十有六章今節錄之

其四區自北而東西爲邊自南而東西爲海散于幅幘爲鄉聚于輻輳爲城

城國黃籍制中曰坊外曰廂今郡不然槩曰在城社民城六附衛五凡軍民錯初軍戶多而戍邊今民戶多而著土初武頡乎文今文頡于武外衛在三隅軍主而什民寓而

一山海當重關視二衛爲饒而制馭牽于多牧開平中屯
寫遠而孤虛隔屬艱于州縣大槩軍民城居者多蕭條獨
灤稍輻輳焉蓋市廛皆出租庸且復應差曰門面舊有火
甲防火盜有地方備偵邏且晝而撥工亦曰地方供衙門
修理及盤倉掃除之役夜則撥宿于衙門直更及街市擊
柝巡警遇有邊息復乘城守望後行保甲法十家一排五
排一保保有長有正比屋輪爲之始而相覺防奸盜尋乃
盡屬官差地方火甲工役守城加以保甲不堪其擾矣而
官家器用又于保甲索之無論傭儉老卽壯稍有生業

一身不能辦者猶轉僱以應之况其戶丁差徭乎則何樂
而居城市哉夫因衛伍在邊空虛保甲爲城池設若不可
無矣工役雖徒夫不給而不可以別僉乎直宿則衛有操
軍縣有民壯器用則有里甲或公費置買使居者樂業則
民願受廛矣

鄉黃籍制都鄉曰里而立里長甲首及畸零戶法編排里
長務不出本都畸零剩戶派本都里長帶管不許將別都
人戶湊補今郡諸鄉自經寇患及水旱離散漸不如制矣
亦行保甲法環城廂者有供役之擾近通塗者有坐舖之

二者深妨農事農之避差者多徙之遠鄉矣盧龍衝而小附府城差煩灤廣而漸遠府城差易故其遠者富家立堡起樓臺遷昌撫樂間有之而盧龍則無矣境多山阪利車乘然多出于鄉村昔者鱗鱗在道自嘉靖御樓災僉運木以助大工車主受累列縣無隻輪矣若里胥下鄉固天下通弊而郡之窮鄉其不堪特甚至稱部道檄則狼虎難狀矣萬曆初盧龍知縣武成凡有賦役家給小帖于戶至期令保甲鳴金于衢以促之里胥犯而下鄉食民一盂粥者覺則械于市自是無敢犯者鄉民迄今念之凡有司能

永平府志

卷之五

十

體此賢于今木鐸警化矣

海在元時灤樂昌撫利漕而富盛于北土至明初防倭設巡檢司及三營一衛其時巡檢能行其法自逋戍私鹽外緝捕嚴而民無外寇漁七里之海石臼之坨者未嘗有嚴禁而樂其生矣自巡檢移不特三堡廢開平中屯之伍亦爲邊戍而空山海以關藉口內官漁獵衛豪恣睢而網禁嚴四場遠于轉運商賈憚中納而鹽爲屑越官皆贅疣矣關去海十里無舉網者白塔嶺去衛一舍則舉矣然僅數家共事結網帆櫓相連常二三十里每于立夏後不過三

次而止魚出海甚賤至城邑則貴海錯之鮮者惟樂城有之而他處不至遺其利于海多矣其私鹽之弊別具于鹽政夫三營堡旣廢尚有一坐營官未除徒役數卒以供魚米視場官巡檢尤爲虛器也且場司並屬于轉運而苦此微官何爲哉况海氓之頑悍樂亭尤健訟刁風之嚆矢灤州其尤乎

邊自山海口而上至松棚之龍井弦之則三百里關之將五百矣近邊堡寨之設乃徙民以實塞下邇年羅漢潘家失守屬國挾賞作鸞鼠竊鳴張鈔畧小堡而路提諸官弗

歸咎于偵哨不明守禦不設輒唱歸併之議以免罪而偷安驅軍民棄業遠移使近塞如無人境耕夫眠食無所野宿風飡疾疫薦嬰多死亡流散卽境內七路廢者三十餘堡矣其就邊居者一身征戍不及治生法極虐而令最煩衣不蔽體居無完廬母爲齎裝妻爲牧馬竭其筋骨與死爲隣有削髮截趾係累而不應者矣其稍有家者百無一二已僅有身供戍矣或子弟餘丁亦役于坐營爲地方軍伴不使子遺爲生而爲將領占役者終歲仳仳爲之養廉或地土之稅令償而入囊若兵道營田百戶爲田畷者每

營十軍供役男女世其臧獲冒破官餉什其子粒欠者九
此不在邊關之數尤覆盆向隅之夫也出境而西則少獨
境內最多耳凡爲邊戍者不特屬衛戶丁雜以班兵南兵
俗爲壞亂極矣無警隨補隨逃而救死之不贍則禮義乎
何知將望固志而死守哉

此前朝弊政也近日邊烽無警兵丁裁供偵探守官坐鎮優游

土著雖稀新民漸集招狹墾闢在上者加之意而已

其四籍著本土謂之社召它方謂之屯有居屯而謂之民
有居社而謂之軍

軍初廩于官而免乎民役故律禁民詐稱防其役之避也

永平府志

卷之五

十二

茲在城通謂之社則附府縣軍民而雜處民抵庸而有差
銀軍餘止採辦柴炭上供後改折銀亦便然爲三等九則
者酌其貧富而均也每則二錢極富至一兩八錢止嘉靖
初永平衛經歷某編審憾富家不賄而坐以上則且巧立
名曰門頭銀加于差銀外坐房產多者一人二三兩一衛
一一家止及于閑丁耳惟是名立則害貽至萬曆甲戌通
判某編審大坐門銀一人十兩者爲少有至六十兩及于
士夫軍職令訐報隨口而坐騷然告緡之續矣自是城中
室圯不敢葺市井爲不聊生由多派溢于額適充衛司篆

之囊耳丁丑遷安知縣馮露編審覈出額之弊爲減免者多而未盡去門銀恐其徭銀不敷也若官多于軍則沿邊皆然世之有名無實者莫如邊衛爲甚

民制居里屯謂之軍而民居屯者其名同之耳古之爲民者四今則十有七八初止有里甲役使則吏皂胥卒總甲以次民壯老人巡捕夫役之類近年增設無度冗濫難分有快手有機兵有箭手有子弟兵有聽差陰陽醫生有集頭地方看城三老人及各色種種于事無益而民有害是謂糜費冗役所當亟節減者又驛路之費日增而就多驛

夫之直日裁而就少夫之逃者比比矣嗣是無敢應募勢極必復舊法不據地而僉頭乎若夫馬之俵不過曩十一耳旣條鞭徵銀在官仍坐舊頭名領銀而市買頭者之所坐地多轉貨而偏累獨難攀者謂之幫地無置錐而仍舊責助事體舛戾槩縣棼然此又非前者四戶買馬之漸乎故戶以民爲累民以地爲累矣今于驛夫加值一畝不過絲忽耳則俵馬價若不敷闔縣計增官爲市解而去舊頭之籍度根拔而害不滋也

屯之名自永樂因靖難爲東兵殘傷而四郊半墟召南方

殷實戶就荒地而棲止謂之屯如古移之寬鄉意也其田地有稅糧而無草束薄荒田之征寬新隴之力其無軍匠者原籍已定也社民戶若干其軍戶若干本處週年清理者屯民戶若干其軍戶若干原籍州不清理者所以別之其制異也凡社之名因舊而屯加以美名社無新編而屯有之乃輾撥人戶散處四方其里遠近其界狹難以爲限而田土畸零不等但謂新編而已亦有不分屯社而爲民屯之屯乃衛軍餘土每名一頃俾之屯種白後遂以爲民屯或有因窺遠不能耕者或有無地而虛包子粒者或

有沙薄而不堪種者或有壓衝沙水而通無可耕者賠納之無訢蓋百有餘年矣民軍操練並同軍有月糧花布而民旣無糧賞乃槩徵其子粒則勞苦倍蓰况死亡逃絕又累里甲包賠是代軍頂田而坐困近日歸農乃息矣社之名亦自永樂蓋東兵之蕩析自山後逃回者爲社在城而各鄉有分一二里者而屯新編爲二里惟灤州爲然矣社爲主屯爲客屯多邊方社多近地週年田地則有稅糧且有草束且有軍匠皆與屯別耳其名雖別而婚姻通主客年久無相尤也至隆慶間社民告屯民均草而社草

如故屯則加焉民甚苦之蓋祖制已定豈宜紛更若孝民
蠲糧其地在社屯可違制而令均其賦乎徒悖和睦之訓
而失忠信之風矣國法民之賢者舉鄉而飲于學其庶人
皆得祭社而讀法今農豐稔必賽於秋杪商旅獲利亦賽
於歲終此報本之良心與古蜡獵意同然農賽於近村神
祠未必合祀典而未嘗讀法于社或設齋醮于寺觀使終
歲不耕者得糜勤動之食由有司未嘗曉喻之也不知上
以生財載物故名之社古人居蒲百家必爲之立社今當
使民立之祈于斯報于斯立鄉約以遵聖訓于斯設里塾

以教子弟于斯則祭義明而風俗善矣

其四業就燕閒而明倫謂之士就田野而力食謂之農就
官府而成事謂之工就市井而通財謂之商

士在前輩雖習記誦博功名而心理道者少然多醇謹經
書務在講貫子史亦多涉獵自嘉靖中豈惟理學率記誦
時文置子史不問而邀榮施足矣今南宮正文體求實學
進取者稍異其歸充囊橐厚營產業則師方伯而嗤太僕
有矣居學校者好尚亦異間有淳謹重名節群咻使無所
容乃一二亂苗者然而穉不爲之害乎

農北平延袤偏反山水糾紛其中田無幾可耕且多沙磧
灤樂獨稱平沃民亦明農舊賦役簡生計易爲無論巨商
卽小貿販亦可坐致菽粟終歲憚于勤動率鄙農而不爲
後俗漸狡猾負債者不償貨殖者寡利乃知任地務農第
驛站之夫頭在地種馬之孳養在地大馬之解俵在地將
有事而力不暇矣坐是數者終歲在官故其語云田家無
論厚與薄不見縣門心自樂自一應是役卽鬻地不足供
舉以地爲害遠而棄之它矣至條鞭法行地有利無累一
時比屋皆趨農力之勤惰不同而耕治之法亦異撫邑以

西耕尚小壠以東尚大壠大壠植苗恒于脊不至埋沒耳
凡地附郭價高爲人競置之耳遠者價甚薄率棄而荒蕪
衛屯荒棄尤甚則其差役重也以工商較之農遠城市務
本力作不習奸僞古心尚未鑿然不知習水利旱潦悉聽
之天平歲惟爲下農豐稔不知積蓄故貴賤不得其平稍
饑饉則流亡至歲平招之復業其俗之不改如故如南方
鉅富鮮矣

工在籍謂之匠考額府屬役曰銀曰鐵曰鑄鐵曰錫曰釘
鉸曰穿甲曰木曰桶曰磚曰石曰黑窯曰氈曰熟皮曰染

曰烏墨曰搭綵曰絮曰雙線曰蔻曰冠帶曰旋曰枰有在京住座有遵化鐵廠之輪班之長工今罷凡逃移者多亦有種地戶代當者有爲商賈者會典府匠三百四十名徵銀百五十兩及工部四司料銀則實居肆者寡矣蓋地鮮物產而工藝寡卽以工名亦不稱精巧其器制昔堅厚而今纖脆昔閎鉅而今狡小昔密緻而今苦惡豈惟觀工亦可觀世然無淫巧猶昔又可以觀俗矣

商郡非四通而習質樸不尚奇貨惟布帛裘楮常用物耳弘正前有大賈販吳綺中淮鹽起家至巨萬後則亡今行

貨僅自臨清轉至尚不能盡售古稱賈廉爲上茲競秋毫欺以濫惡動則指天誓日而與狙儉伍實下盜一等耳又其貨有稅其鋪有行行者應官取用曷嘗不給其價而苦之甚怨詈如讐畏避如劫行何嘗不應官官則有煩言爲以贖物而索高價深惡切忌之上下情背何以故則牙役爲之嫁耳至屠沽餅師輩皆苦行與賈等而賈富者出資謂財主能者出力謂夥計未有財主完出而完歸夥計善始而善終者也有司之征法紀尚存故山海關不甚低昂焉

其四禮備三加而責成人謂之冠合兩姓而傳宗嗣謂之婚制五服而慎殯葬謂之喪享四時而報本始謂之祭冠古二十而冠童髻惟束髮總角耳今俗童輒戴帽或謂北土禦寒而然至暑則可去矣仍步搖爲容好世爵巨室且以金梁及唐晉諸巾是童而冠又何加焉自此禮不明卽士夫亦然若庶人而三加則僭而不行可也其貧賤身無完衣冠履極弊不肯露跣此有古風焉

婚古六禮不備則貞女不行今郡巨室雖不能盡合而亦不至于甚戾他則未免于論財女于男家納徵時講壓盤

請期時索聘禮男子女家責備奩物往往因之失好若廢納吉而合婚廢親迎而下親此尤惑于藝術卽士夫亦多蹈焉者至于指腹割襟固爲非禮而乘重喪以嫁娶實爲敗倫傷化之尤也灤志云男家初託請達者通媒女家卽盛設桌面酒饌三湯五割連翁邀請赴席歌妓舞唱盡日歡娛男家回席亦然争相奢侈爲榮又不在問名徵幣之限及親成生子女甫一二歲間信巫覡尼媪之徒具齋供酒菓送寺拜僧爲師復請親識同往男女溷雜盡日作樂有卽此而議親僧媪爲之媒妁俱宜痛禁今亦稍變但下

戶貧賤女尚祝髮聘財既領卽歸于夫家謂之童養則不待父母之命未笄冠而野合矣此則乾茅就火不爇而燃習俗久矣男女彼惡知哉

喪禮士夫通行家禮者僅有然而雜以佛事者多焉若齊民則一以佛爲泊矣其作樂宴賓縉紳家亦有之不然人以爲薄親簡賔俗見之訛也久矣在禮成服殯殮俱以日之三數計而今每言七日在禮初終而復不過家庭今三日則齋楮鏹于城隍神廟五七日于東嶽神廟曰資冥費親屬偕往漸于佛說深矣五服親屬俱責喪主以備服謂

之成服此于各服其服以入之禮不講也若賻所以助今受必計多寡裂縞素以報之倘不稱而賻客有形于爭者矣當親卧病士大夫家延醫服藥鄉邑小民惟用師巫邪術以聽命于天待葬不求風水不尚封樹反藁裡而掩之惟一抔而事襄矣有一二故家雖不酷信風水而尚惑陰陽以歲月不利姑殯于寺廟以待吉久則多不能葬焉又雖世祿家而樹封碑者寡其士夫非膺仕而有志銘者乃百之一二此過于朴畧也

祭禮按土庶之祭內之重于先外之重于社若品官家廟

今制未定嘗做家禮爲祠堂如今制祭四代庶人當從制及祖依古薦于寢可也北方世爵及縉紳崛起家構第以居有堂室有房寢壯麗獨未見立家廟其薦祭之儀亦簡士夫之裔猶知作主而貧者多共一扁書始祖不論應祀者幾以神像置中而家神則配之貧甚則以楮書諱甚至諱楮亦無矣舉祭在禮上香者炳蕭之義求神于陽也酌酒者灌地之義求神于陰也乃奠酒以致享禮畢而焚帛無帛則以楮代之非祭義所當知乎今大都上香後卽焚楮焚楮後方酌酒不奠卽拜而禮畢矣然俗重墓祭每清明于塚上增土備牲楮爲奠七月中元惟奠牲楮十月朔則益以冥衣邀親衆享奠品于墦間其新塚遇三祭時每具服哭臨三日服除乃已士夫及齊民皆然雖不合禮亦報本孝敬之厚道也祭社具于左但家祭除夕元旦祀天地日月而商旅之賽于家亦曰焚天地日月楮不知庶人不敢瀆而賽用羊豕其分乎

立春之儀先日盧龍縣戒東門外官亭以各色器物選集

優人媚子小伎裝劇戲教習謂之演春屆期闔城文武官往迎前列戲隊殿以春牛商工百藝持器奔趨老穉胥觀

士女填市謂之走春鼓樂交作優長假冠帶過官府豪門各有讚稱韵語博筴取利謂之鬧春牛至府堂次日至時鞭而碎之隨以鼓樂將別塑小芒神土牛分獻上官鄉宦謂之送春其占土牛與它方同所鞭土市民爭取塗竈或塗壁云去臭蟲或以書門曰百事大吉而薦栢酒白葡萄餅以樂之如在正朔前後旬則惟豪門者舉焉謂之慶春州及支縣外衛亦如之

孟月朔日謂之端月元日官府望闕遙賀禮畢盛服詣公署往來交慶士民家味爽設庭燎焚香燭奠祀真宰及祖

禩仍設于堂供獻家人拜家長舉觴稱壽貴家焚丹藥戶內謂之辟瘟喧鼓吹于庭院謂之鬧廳熾栗炭于堂中以迎旺氣旦日出占色紅晴及西南風收菊秫霞紅主絲貴霜重有雪主夏秋大旱雲霧兵動人災取除夕所置百種而量較之出息者豐獲啓視稽豆而次數之以粒卜月潤者其月雨乾者其月旱人飲水主五穀丹黃忌之戶前置水則主消災所插芝蔴稽主門戶清吉諸福咸臻所夙具餚饌可供三日用戚里閉門罷市盛服交賀甥壻來謁留飲猪日祭墓遍禮群神交宴親友少年自鷄至馬隨意閒

游或演習絃歌或番弄博戲或聽說偈唱詞或看踢球舞
棒穀日稍止旬浹炊麪爲繭以祈蠶功越二日而浹辰矣
並清明無風則以日卜月而歲大吉又二日女輟鍼名忌
諱是日或先試燈設席望日上元官舉鄉飲通衢張燈謂
之正燈官舉火樹民放烟火觀或達曙男女群游謂走百
病是節本漢家祀太乙昏時祀到明又西域摩瑞阇國僧
徒俗衆集觀佛舍利放光雨花也故或賽寺觀及諸神廟
焉亦有俗子謂上元天官賜福之辰持齋誦經閉戶不出
者至次日爲殘燈傾城士女出病婦亦群聚窰下曰陶炙

兒女交錯度橋謂度百厄或有以繩跳躍謂之跳百索或
蒸紙裁剪爲九條信手結曰結羊腸占休咎又有邀廁姑
廁姑者紫姑也異苑記之矣茲不如其說但問吉凶焉又
有茗帚姑箕姑針姑葦姑者皆女巫因走病而誑誕其俗
也或用膏油貯之麪盞十二蒸于釜依月而驗有積水者
主多雨微濕及乾者雨多少如之或蒸于除夕亦驗過此
童入塾賈于市商于塗爲墟爲集州縣屯社各如常業廿
四日以鼠會親是宵燃燈一歲作耗故禁火五日曰填倉
農家蒸飯炊餠五更用竈灰于前院畫地成窖爲梯囤形

或撒五穀以磚石壓之爲歲豐盈兆而農出郊矣雨水節後占天陰宜農

仲月朔初吉爲中和令節官民久不舉次日以龍擡頭農家用糠自戶引至井用灰自井引至甕謂之引龍入宅主有財用香油煎糕燻蟲則物不蛀且以辟厨竈蒼蠅婦舉針逆女歸寧上丁祭文廟上戊祭武廟社稷風雲雷雨山川民間社不必戊而或祭馬神八蜡廟驚蟄春分志風雨以卜豐歉自雷起至百日河漲分日占東風收麥有雷在分前後日歲稔是日作酒及醢時冰泮草生農事婚姻之

期家嫁娶農舉趾十五爲花朝節今不甚舉行

季月朔占值清明草木榮茂值穀雨黍稷豐盛是日及次日雨主旱三日屋地不平取土墊之吉種宜葫蘆多且大也上巳不修禊城北有曲水流觴今廢或有病者滌于長流十四日俗稱城隍神生日競設賽焉或有夜祭三皇享胙瞽者唱飲達旦冬至後百五日爲寒食清明節也俗多以前兩日爲寒食前一日爲蛆日造醯醬忌節日造生蛆當清明官祭厲家展墓掛紙錢增新土作麩燕及蛇插柳枝標于戶以迎玄鳥男女並出祭掃次日婦告歸寧而展

墓連日傾城踏青看花挑菜簪柳鬪百草諺云清明不戴
柳紅顏成白首家家樹鞦韆爲戲閨人搥子兒賭勝負童
子團紙爲風鳶引繩而放之山原車馬尊壘相接道隅餒
餘而多醉歌矣下旬八日祀東嶽廟俗爲大帝誕辰也男
婦有爲父母兄弟賽願頂紙馬斂衣束身出戶且行且拜
親衆鼓吹隨及廟乃止並曰拜廟山海則拜于天妃廟穀
雨書朱符禁蝎

立夏日占日暈則水多是日入海捕魚視西南風則多獲
東北風不利若值朔主地動小滿主凶災大風雨主大水

永平府志

卷之五

二十四

小則小水晴則旱

孟月朔雨占麥豐歉俗云一二麥脚黃三四落把穰五六
泥中割七八麥上場以七八日雨爲上也八日爲浮屠生
日浴佛僧尼各建道場宣經偈男婦結會持齋詣佛寺禮
拜或以黃豆置盤盂而念佛悉如豆數且分衆食謂之結
緣十八日祀天仙亦謂之拜廟視季春尤盛蓋婦人求嗣
者本古高禰遺風流而爲賽禱又童男女多病者以小紙
稽爲枷鎖荷之詣廟祈禱三年爲滿焚神前謂枷願其祠
在遷安景忠山顛者俗稱頂上娘娘昌黎仙人頂亦稱頂

上境數百里內外男女或負病匍匐上獻錢于祠官立收頭而坐享其利進香者往返交錯于途旅店咸獲利山下紙幣之肆亦二三日大市也

仲月端午置葵榴堂中懸艾虎辟瘟貼紙畫虎蝎或天師像謂之五毒符捉蝦蟆取蟾酥朱書五月五日天中節赤口白舌盡消滅揭之楹戶僧道以辟惡靈符分送檀越醫家以香囊雄黃烏髮香油送所往來家而揭符于門採百草製藥湯沐泛菖蒲硃砂酒云飲之惡物不入口兒童頸臂脛足係綵繒云辟毒名百歲索俗不競渡或鬪百草賭

飲而已戚里以角黍餉男女姻家互饋爲追節是日雨主蛀至日占伏有風大熱占麥謂麥信東南風麥稔西北風熟亦瘠西南風甚旬中必稿十三日俗爲關帝誕百戲角觥集倡優樂之是日必有微雨謂之洗刀水

季月六日熱五穀收冷多雨清辰汲井水貯之經年不壞可以造麪漬醢又以水煎鹽擦牙洗目日午曝衣帛裘褐夏至後第三庚爲初伏第四庚爲中伏伏日宜嘗麪醬麪有穉細而醬以生熟占初伏雨主秋旱鋤茄十次每秧結十茄人洗頭去風以杏仁炒麥子食數粒一年頭不痛心

無嘔凡伏寒爲災與唐五行志占全時黍將登大暑忌朔
小暑忌雨社旬有三日祭龍王廟至望祭風王廟
立秋戶掛蒺藜云蚊不入戶或曰中元將至而鬼畏之是
日占晴主萬物少成熟雷多尤忌之初庚爲後伏十八日
寸草實如夏至之麥刻期不爽焉

孟月朔忌立秋六日掛地頭紙七日曝洗作麴合藥其夕
少女或盆種五生或案陳瓜果于庭院中談銀河會乞巧
結綵或對月穿針或以水注磁碗撒繡針于中照影以試
巧拙童男有置蜘蛛小盒內次日視絲稀密爲乞文多少

永平府志

卷之五

二十六

亦開元遺風今男女乞者少矣惟爲牛生命日掛花枝于
角可無災以麪餅賞牧童及次早視鴉鵲頂旒爲取填河
之驗焉中元爲地官赦罪辰僧家建盂蘭會人家有持齋
誦經謂之大齋日前一日採麻穀歸置門左右或置奠苾
祀祖考復墓祭或負麻穀往謂之麻穀節官祭厲里社亦
行之穀始登處暑亦忌朔人不安

仲月朔日雨謂之苦雨占菜味不嘉丁戌祭壇廟白露旣
零里中各祭土神不必用分前後戊日爲壇爲社也分日
喜陰及西方微雲起忌熱主旱中秋戚里製月餅雜以餠

糕及瓜菓酒醴祭月而賞之比鄰群飲街衢夜分乃已豪門相餽遺讌會笙歌徹旦下戶瓜菜少坐而已占月爲雲蔽來年燈節必雪

季月朔日占值寒露主寒溫不時值霜降主多雨及來年饑有風雨主來年春旱夏水麻貴若東風半日不止則米麥皆貴重陽日晴則冬至元日上元清明皆晴雨則皆雨又占是日晴則一冬凝雨則一冬晴占風色爲來年豐歉喜東北忌西北其爲節稍如荆楚歲時記家製棗餈侑果穀饋遺姻家簪菊佩萸登高多酹酌而歸釀菊酒醢瓜菜

永平府志

卷之五

二十七

霜降官祭旗纛月內忌雷主穀貴虹主人災霜不下來年二月多陰寒

立冬日謂之陽月值朔有災異晴雪則一冬爲然晴雖過寒而有魚占來年前霜多主旱黍善後霜多主晚禾善惟西北風主來年大熟

孟月朔鄉飲舉于學宮無祀祭于厲壇至下元節傳水官解厄之辰亦相効持齋誦經質明祀先祭墓剪色楮爲冥衣焚之曰送寒衣是日南風則冬煖北風寒又占十六日謂寒婆晴主冬煖竟月畢場功勞農遣工人歸設醮燕享

至醉如古蜡祭之風焉虹主 穀貴月食魚鹽貴雷人多
死雷而霧離水面則二百五日水至

仲月大雪節朔日大雪主凶災不利農至日亦然日至謂
之亞歲官府五鼓望闕拜賀畢彼此拜賀如正旦民間祭
先祖多逆女嬭女嬭有獻履尊長者其往來拜賀惟山海
爲然至後九日爲一節語云一九二九冰上走三九四九
不舒手五九六九沿河尋柳七九八九賞花飲酒伏訖而
寒生九訖而煖至北方節氣雖同而東北視西北正矣

季月朔日忌大寒有虎災喜小寒爲瑞是日以井水洗蠶

子曰飲蠶通稱是月爲臘月臘前雨雪宜菜麥且卜來歲
稔初八日爲臘日以米豆果肉雜爲臘八粥或遍置花木
卜云次年無蟲且茂童女黠耳童男剃髮下旬四日名交
年或曰小年掃室宇暮設糖餅果菜祀竈俗以糖丸粘竈
門云毋得言家長短以祈福庇鄉人秉高炬照田間修整
門戶更造服飾整辦酒餚備具符帖僧道作疏送檀越醫
士作辟瘟丹屠蕪袋送往來者除日官家易門神桃符下
家亦易聯帖懸麻線匙筯葫蘆新筭于戶插芝蔴楷于壁
夕辭歲陳儀祀真宰及土神祖禰設庭燎照星斗放爆竹

鬼焚蒼木辟疫或樹將軍炭或擊千金木取百穀種量較鈞壹置之地面取稽莖一析之納豆十二閏加一束置之水中乃稱壽家讌少長咸集兒女終夜博戲謂之守歲官家用鼓吹及民間炮喧聒耳達旦亦有夜深禱竈請方抱鏡出門潛聽市人偶然言語以卜新歲休咎云卜竈自祀竈後男女婚嫁不擇日至除夕止謂之亂娶成親無忌矣

凡歲雖士大夫家不知占星象民間但見日月外有暈影或占之日嵐多雨月嵐多風而占月爲多春季夏仲初三

永平府志

卷之五

二十九

四見新月語曰月兒張弓少雨多風月兒仰瓦不求自下爲甚驗焉其四甲子雨如唐朝野僉載俚諺而倒其語云某甲子雨不叶下韵且闕末二句今述唐諺正之春雨甲子赤地千里夏雨甲子乘船入市秋雨甲子禾頭生耳冬雨甲子牛羊凍死鵲巢下地其年大水它有一二占互異不驗也大槩居近風洞屯社祭風凡旱官禱于壇廟民多禱于龍王焉

補續 周禮同姓不婚所以嚴瀆倫也永平相習聯姻動以疆域遠近爲辭不知支流旣長則居遷自遠遡厥淵源

實同厥始彼齊民無知猶將訓之以禮而士夫服古之家恬不爲怪抑獨何哉

父母無不愛兒女從未有愛其生而仇其死者永平風俗遇嬰兒夭殤不思積德以俟再育徃徃折手足而暴棄之慮其復投母胎以絕異日累滅性寡恩甚於豺虎郡守張公朝琮出示嚴禁此風稍息有保赤之責者能踵而永絕之亦澤及枯骨之意

釀秫作酒北方風俗類然而莫盛于畿東故京師口號以東路鄉販者爲佳暴殄民食率致米價騰湧康熙已巳

永平府志

卷之五

三十

歲饑奉

旨嚴禁未嘗少弛乃永平燒鍋之家半屬旗人動藉口以供應內府而民則又以沙磧地礲謂欲取糟豢豕以糞其田爭圖射利每盛于秋成之後而不絕于春夏之時屈指闔境燒鍋一日可糜千百餘石之糧積而計之將以億算民有不艱于食者乎

喪葬之禮稱家有無永俗獨山海有槓夫名色橫霸一方喪家無不受其指勒苛索甚且父母高年無恙指爲奇貨預支工值本家不敢不應慮其挾憤而將來莫追也若貧

不能應其欲竟致停柩不葬者有之婚娶之輜亦然若輩
驕悍橫肆衛人吞聲飲恨者已四十餘年郡守張公朝琮
嚴拿重處永遠禁革今山海衛特設義槓鎮城及東西羅

城俱鐫石以志不朽

碑記載
入藝文

物產

凡物之生于天地閒者土各不同而亦有古今之異然而百里之域荒逖之區未嘗無特產也若灤志所列通于天下而郭建初又徧搜三代以來之書以示博則固所不必矣昌黎志乃云倘按籍而索民何以應故盡刪之是豈禹貢厥篚周書王會之意哉夫永州之畜蛇者或反以寬其地之征而下坊州取杜若者又未必出于圖經也仁人君子以之察土宜而重天物亦烏可少乎舊志太繁擇其切于今者存之

永平府志

卷之五

三十一

禹貢島夷皮服夾右碣石入于河

山海經碣石之山上有玉下多青碧繩水出焉多蒲夷之魚

商書獻令其一東胡請令以白玉橐駝野馬騊駼馱良弓爲獻

爾雅北方之美者有幽都之筋角焉

周禮大司樂有孤竹之管奏于圜丘

註云孤竹竹特生者不指所出地後人因

孤竹國名而指有是竹焉

周禮職方氏幽州其利魚鹽其畜宜四擾其穀宜三種

周書王會孤竹距虛不令支玄獯不屠何青熊

釋云不令支令支也

不屠何屠何也皆東北夷名至北魏稱徒河矣

周書海陽之蟹

詩王錫韓侯其追其貊奄受北國因以其伯獻其貔皮赤

豹黃羆

春秋齊侯來獻戎捷穀梁傳戎菽也

郭璞註爾雅以為胡豆

史記蘓秦說燕文侯曰北有棗栗之利民雖不佃作而足於棗栗矣此所謂天府者也

史記燕秦千樹栗與千戶侯等

永平府志

卷之五

三十三

唐書平州土貢熊韞蔓荆實人葠

遼史馬城縣東北有千金冶

一統志 金遷安縣寬河川出 丹錫灤州及遷安縣出

今不產 鐵遷安盧龍二縣出 鹽灤州及樂亭縣俱出有

場 今撫寧昌黎二縣俱出 人參麝香豹尾俱廢柳城縣出 紙灤

州及遷安縣出 今但出遷安縣 鷹鵠昌黎縣道者山出 今少 石灰

撫寧縣有場 今廢 蔓荆子遷安盧龍二縣出 甘棠梨

遷安縣出 香白芷樂亭縣出 按今撫寧縣臺頭營口外有金然淘者得不償工

右並見于經史之文

今志各府所通有者不具其尤異者

盧龍雖郡治邑小而產少 黃金產陽山溪中色雖艷而小如粟粒淘之得不償工其河名淘金又云孤竹山金頂銀腰鐵脚言所產也而白溝河東北五里有銅鑛山 食品醬豉製得法 紅蘿蔔城西獨大而脆稱特產 桃林口關面黃崖山襟青龍河產魚鼈鯽鰈鮎鱸最肥美異他產口外人每春縛葦作筏冬穿冰飛叉擲取之叩關貿易人亦利其價廉間產靈龜不常有 口外山深險峻松楸蔽空虎豹豺狼之所窟也虎或入城捕犬羊其產黃羊常

永平府志

卷之五

三十四

來關外人莫能捕之 境外有山徧產桃樹枝榦勁直色班脂膩皮可裹鏃關人及口外人並取之故關營以名 桃林口外三十里有芍藥川花多白開時彌漫十餘里 黃崖草出燕河營葉圓根皮紫肉微紅狀如羊尾不知名 爲金刃傷者取根焙乾去皮刮肉末傅速效

遷安地廣山深近邊多異產

黃金產寬河

在口外

六寶峪

以產金銀銅鐵鉛錫名 銀鑛山在太平寨西及黃崖山沿邊多有之鐵 在岳孤山 紅白土可圻出冷口關及白道子白可漿衣拌糖 石灰出黃山灰窯峪 黑鷹多

巢貫頭山 紅嘴鴉自松亭至 門皆有鐵門洞諸山尤
多 蟒有遺跡 猴大尖山團亭有之 蟹三里河者肥
美土人探穴競取之澈河者亦佳子灤 鯽灤河佳美蓮
池山產亦佳 凡魚自口外由灤入團亭者潘家口立櫓
其灣所聚也官坐享而漁之 黃麻長嶺社屯多產爲楮
以販線麻亦所特出 桑皮紙出黃北社多紅花白蠟藍
澱 木稱奇章栢口內栢少松多奇遊鄉漢兒莊三屯館
類多異不能枚舉而口外尤多蓋出松亭關乃古千里松
林界矣 邊內木大稱銀杏七家嶺下二株大于它產實

永平府志

卷之五

三十五

佳而價甚貴 梨錦唐出在城社及陶村社小而皮薄甘
脆藏至正月味愈佳 榛栗帳房山產歲進貢松汀山及
城山多 藥有天花粉黃精人葠五味細辛桔梗茵陳半
夏兔絲豨薟蔓荻苓赤芍藥 藟苦參之屬各邑山中
多有之花椒城山寺爲盛血石嶺產冬青草乃欵冬花之
類也 煤糞草出縣西二十里賢姑廟旁其水浸十數頃
草木蕃盛產荷菱及螺蝦一旦忽涸掘數尺皆糞草乾可
烘爨土人利之徐少卿因而開水田數頃

撫寧兼山海產宜饒而若詘 銀鑛嘉靖乙卯開鑛于玉

峪官督軍防供應不貲煎煉不滿千金而耗民膏什八九矣鑛脉既罄人力亦疲乃奏罷立廟于洞上石佛峪南亦有銀銅峪其絕久矣 石炭謂之煤 詳見山川 今供給有司

產石門寨

大崇峪多青石利用

詳見山川

猴猿三巒山最

多每至八月義院口溫泉堡外輒有數萬至彌月乃去田家苦之 熊出口外口內有熊山蓋舊產也 鱧似蛇長

尺餘有青黃二色多居泥中出溫泉堡葦子堡香山溝者佳 白牡丹出青山黑峪頭西及羅漢洞外 藁本香產

葦子峪

水紅消梨產臺頭之東山熟于諸梨後皮中皆

永平府志

卷之五

三十六

水香聞數步獨爲奇品他郡所無 秋桃出石門寨其大過拳甚甘美蓄者用草圍樹以避霜雪因熟晚故名初每顆價不過一分至十月取出其色瑩然貨之顆五六分矣其李與蘋果亦稱佳非特產 藥有草烏遠志海陽出商陸山海出麻黃佳山海花有匾竹貨有線麻椶麻魚則石首鯨魚石魚鰕魚青烏賊鮓白條對蝦海饅頭海鷓鴣酒次于灤關志云土瘠狹多寒無豐產古稱魚鹽白海禁嚴而漁商並絕故獲寡而售艱矣

昌黎自爲一域山不逼邊海不逼關風氣繁麗山產類撫

寧盧龍海產同灤州樂亭故無異產而載其多者 石乳
在達磨峰之左凡崑穴陰處溜山液而成空中相逼長者
六七寸如爪甲中無雁齒光明者佳 焰硝出套槐社
絲鹽出永受屯黑磁器瓦器及澱出石門社 薏苡出會
東社 蓮子稜米黃菜出靜安社 紅花出赤崖社 綿
花出沙程社 平機布出會東社 豆有刀有玉環 瓜
有化卽胡瓜也亦呼爲黃瓜 菜有菠有茶 花有斑竹
出在城社又以名寺 果有無花有文官有互斯賴有柿
子白檣出洋山社蒲萄接桃出順德社櫻桃核桃出嘉穎

永平府志

卷之五

三十七

屯石榴沙果出延昌屯 兔出正樂屯 團林社七里海
多魚有角有帶 海錯車螯同灤州

灤州沃衍產多貨殖聚焉 花椒種二有水有火香花峪
頗多 蒜紫皮出松梁社康家莊及梅一梅二社 蓮州

及樂亭地二里最多故曰龍灣瑞蓮 芹以名山

俗名芹菜山

在古馬社 龍鬚米出法寶社 果品李產偏山最佳無
花果樂亭有之 赤石脂出紫金山未聞入藥用各色石
脂境內亦有之 黃芩柴胡出橫山營有名入貢 芎窮
葉名蘼蕪州產不堪入藥惟可入茶 秭樓州北土牆甚

多 薏苡仁下社多可作粥 辛夷花不多產惟州治後
一株甚茂 酸棗野蒲萄產頂家坨 松薦福寺者大十
圍知州潘齡書秦封第一今無 狼兔多藏于大田泊
猪州產頗多樂亭民間有以此致富者 雉兔獐等物產
于龍堂望馬兔耳大夫楊家馮家諸坨六畜則馮家長坨
草木蕃也 狐出止馬山者毛深色赤俗傳巖山有狐妖
鳥屬有鐵脚至冬人捕充饌甚肥美又有禿鷲兔鶻鴨
鶻訓鶻經雀沙鷄及柳葉兒鶻魚卽驢糞毬黑馬杓胡叭
喇臙脂辨籠兜子紅蓼兒金雀蠟嘴之類 魚類鯉最佳

永平府志

卷之五

三十八

出偏涼汀大者一二十斤鱗甲金色奪目肥鮮尾長曰重
鯁及鰕鱧鮎鱗青白出灤河並佳 淮魚似鮎而大海多
灤少 鯽偏涼汀最佳多重斤許有至三四斤者湖湘不
及也 海鮐近府有之 丸子身黃頭大有翅無鱗出清
河 秤桿小而長似之鱗細出清河 鮫如梭身長而青
灤海並出醃者海佳鮮者灤佳 白眼海出類鮫而肥身
鱗金色眼如玉環重三四斤灤河亦出樂亭沙城社多
魯四月後海及灤俱有巨口細鱗身負黑點大者十餘斤
麩條魚一名銀魚出蠶沙口樂亭之千金社 鰻海出

立夏方有大者數十斤 鰲腹中有鰾但不及南產耳至小者重三四斤四五月多 同羅細鱗有黑點形類大鰲味亦如之但土人不能作耳 叵羅多刺味微類鱒小直沽呼爲騰香魚 蠟頭類河豚味甚美肝血有大毒去之方可食 八帶海出 帶魚狹而長如帶出樂亭 鰾腹下有骨如鋸 鮠似鯉生淺海中專食泥身圓小骨軟肉細 扳魚身多鯁長五六寸味肥似糟滷之可作湯 羊魚味膾形圓尾如羊尾端有骨如劍觸之傷人土人取其油 鏡魚形如鏡 房魚其大如房或隨潮陷沙上土人

割脂熬油燃燈腥臭不可食 黃谷檉條出灤河 鼈俗名團魚灤河產佳 蛭殼薄而狹長正二月出泥中味佳 蛤蜊似蛭而殼團肉厚 蚶似蛤而圓小殼如瓦楞雷動而開人不食矣 螺極大小者爲贏螯 螃蟹出白沙峯社西灤河多 螭蟹隨潮退殼一退一長潮大則膏不實矣 蝦大小不一近海產有金鈎玉鈎之名出蠶叢口取肉乾之爲蝦米灤河亦多 棉花凡平原皆有爲布有雜有細樂亭機杼爲盛土人呼爲家機布 紅花多種之場圃承露采乾以染紅及作臙脂 澱出於藍以水出色

者爲定土人總呼爲靛 桑皮楮出何家莊 蓆長春諸社織蘆葦爲之且編爲箔大水泊多蒲蒿人就而利之油有蘇有麻 硝有朴有焰 煤炭水和始燃俗名水和炭出開平衛何各莊及峰山口生者有焰宜煨灰及炒鐵尤宜大塊火煉過者爲焦子炭陡坡古冶有之 鱣出海濱姚家栢家莊 鹽出海濱味甘色白出栢一二三里及石碑場者最佳長蘆不及也

樂亭陸產比灤而海饒之其見於州者不具 鱸魚出白沙峰社 七星魚出黑崖子社 絹可作帷 絲綿出力

永平府志

卷之五

四十

本屯 襜連襦裹出嵩林兒社 綿布境內俱織多于他處

山海衛物產撫寧已兼及之其最佳者魚之海胎鳥之鐵脚較他產肥大而鮮美

永平府志卷之五終